

石匱書
石匱書後集



清張岱撰

石匱書
石匱書後集



〔清〕張岱撰

上海古籍出版社

石匱書二

〔清〕張岱撰

○ 影 據
毫 印 南
米 原 京
寬 書 圖
二 版 書
八 框 館
六 高 藏
毫 一 稿
米 九 本

目錄

第一冊

石匱書(存二百八卷)(高帝本紀至李善長列傳)〔清〕張岱撰……………一·一

第二冊

石匱書(存二百八卷)(馮國用馮勝傳有德列傳至周顧袁二夏列傳)〔清〕張岱撰……………二·一

第三冊

石匱書(存二百八卷)(逆黨列傳至朝貢諸夷考)〔清〕張岱撰……………三·一

石匱書後集六十三卷(存卷一至卷十一,卷十三至卷二十五,卷二十八,卷二十九,卷三十二至卷四十二,卷四十五至卷五十三,卷五十六至卷六十三)〔清〕張岱撰……………三·三九一

石匱書卷第六十七

明 蜀人張 岱著

馮國用馮勝傳友德列傳

馮勝列傳卷本名嚴性

馮國用定遠人弟勝初名國勝又名宗異漢馮異之後也兄弟並好儒書尤嗜孫吳國用風儀峻整器度恢豁勝偉貌長軀勇悍多智元乳鄉人寨于里推國用部寨太祖過妙山國用與勝用儒服入謁歸

太祖所部太祖曰生委蛇若是儒耶有何奇可白

石匱書

卷六十七

馮國用列傳

一 鳳燭堂

乃公國用對曰臣聞之有德昌有勢強金陵龍蟠虎踞帝王之都渡江而東先爭居之足下可以後然後觀天下之勢按次掃除勿貪子女玉帛倡仁義以拯水火足下可以昌太祖悅曰吾心也國用在太祖左右忠謹無與比繇是兄弟俱倚宿衛既渡江取太平元將陳也先與中丞蠻子海牙連兵入寇太祖擒也先釋之與之盟款而哇國用曰哇軟必爽使攻瑩城果叛為漂陽人所誅其子兆先復與海牙

合國用從擒兆先又釋之太祖夜召兆先之壯士

五百人環寢帳前使國用執寢戈頃之從入金陵國

用先登敗元蔣山太祖有江左國用與勝皆有戰

功並為大元帥而國用尤用忠謹見親為帳前總制

親兵都指揮使常李善長久之從征紹興卒

太祖哭之慟賜葬江寧贈郢國公以子誠幼使勝嗣

兄職勝以庚子歲與常遇春伏騎石灰山邀擊漢戰

龍江兵幸丑從征漢至安慶太祖陳疑兵於陸勝

石匱書

卷六十七

馮勝列傳

二 鳳燭堂

從水指其舟師入江州陞親軍都護癸卯從克呂珍安豐陞同知樞密院事甲辰從降漢理武昌乙巳與大將軍達出淮東攻吳高郵吳將詐開門降勝不逆兵入幾盡吳將下縣閉門而殺之郅中太祖召勝歸決之大杖復令徒步之高郵不予騎勝至則號召其卒四門齊登一鼓破之還與大將軍圍吳元年以平吳功遷大都督府右都督其冬與大將軍北伐元克沂益毫濟太祖即皇帝位進秩太子右詹事

俄生小法奪一官為都督同知與大將軍會取汴梁河南二郡是時元將李思齊張思道守於潼關勝振潼關先登謂大將軍曰謹守備三秦門戶也大將軍擇都督郭興守之賊遂取華州其時車駕幸汴趣入謁授征虜右副將軍留守焉其冬從大將軍征山西與湯和入懷慶獲將士八百餘人引兵至太行山破碗子關進取澤路至於衛氏轉克平陽及絳獲元將士五百餘人二年授征西將軍大將軍引師還河中

石匱書

卷七

馮勝列傳

三 鳳鳴堂

將軍與大將軍破塘廓帖木兒於定西凱還封宋國公參軍國事食祿三千石賜誥命鐵券四年出鎮陝西使繕塞五年詔為征虜大將軍與大將軍達左副將軍文忠出沙漠勝與副將軍傅友德西行取甘及肅進至赤集乃降其守將次別力葛山與元岐王朵兒只班遇走之追獲其平章長加奴等敗其衆於沙洲獲馬騾牛羊二萬是役也大將軍兵不利左副將軍所失得相當獨勝以捷聞而有言其匿私索賂賞不行自是連以將軍印練兵臨清北平繼往大同討元殘寇散不剌等還鎮陝西復改河南上冊勝女為周王妃勝妻卒為治喪賜璽書慰藉加餐使歸議葬癸卯復鎮焉周王作宮十三年故元平章乃兒不花寇邊明年大將軍討之上命勝佩征虜將軍印息民訓士佐徵發居四年還召勞羊酒是時元遺孽故將多珍滅歸順獨元木華黎孫納哈出者初為元萬戶守太平太祖下太平時獲之以元世臣子孫故

石匱書

卷六

馮勝列傳

四 鳳鳴堂

石匱書

卷五

馮勝列傳

五 鳳鳴堂

待之甚厚。納哈出居常不樂。太祖歸馬。元亡。納哈出不從。虜主胡中擁大衆金山。三分其部落。曰榆林。曰養鵝庄。曰龍安。一禿河。輜重富盛。蓄牧蕃息。數寇遼左。為邊患。十九年。上命勝置衛大寧諸邊。撫控之。其明年春。為征虜大將軍。穎國公友德。永昌侯玉為左右副將軍。率參將南雄侯庸等。乘以步騎二十萬。鄭國公茂。曹國公景隆。中國公鎮子侯等皆從。軍上。故有所獲虜。乃刺吾者。納哈出。都將。使奉璽書。而遣之。曰。是人善戰。今送歸爾。益爾戰矣。勝至。過大雪。遣永昌侯乘雪。以輕騎。掩擊其慶州。虜殺其平章朶朶。擒其子不蘭奚。而自出松亭。分築大寧。寬河。會州。富峪。四城。遂駐兵大寧城。踰兩月。留玉萬人守之。以全師壓納哈出。金山遣人送乃刺吾。納哈出所納。哈出驚曰。吾謂汝死矣。乃得復相見。因遣其左丞猷馬勝軍。是時勝已踰金山。降其將慶國公觀童。於女直。苦屯。勝大軍直前。逼納哈出。一禿河。納哈出計無

石匱書

卷六

馮勝列傳

六 鳳鳴堂

所出。乃刺吾。勸納哈出降。納哈出猶豫未決。復遣使至勝營。陽納款。以觀勢。勝遂遣永昌侯玉往受之。糴之以大軍。納哈出彈指曰。天不使我有此衆矣。率數百騎詣玉。約降。玉款納哈出。酒甚懽。納哈出因酌酒酬玉。請納哈出先飲。既飲。復酌酬玉。解衣覆之。曰。衣我衣。乃飲酒。納哈出讓勿衣。玉亦勿飲者久之。納哈出取酒澆地。願其下吐。語鄭國公茂者。勝子婿也。有裨將在茂旁。解胡語告茂。曰。是且脫去。茂遽前搏之。納哈出驚起。欲就馬。茂斫傷納哈出。解不能騎。與都督耿忠擁納哈出。見勝。納哈出所部妻子將士在松花河北。凡九十餘萬。聞之皆潰散。其餘衆四萬餘騎。欲來追勝。遣觀童往諭。盡降之。并得其各愛馬。所部二十餘萬人。羊馬驅駝輜重。亘百餘里。勝奏捷。京師并言茂驚潰虜狀。遂以納哈出來降。將卒妻子及其輜重南行。使都督濮英將三千騎為殿。虜所驚潰餘衆。伏而待大軍過。邀擊之。英馬踣見獲。乘間

自剖腹死而勝還次迷河更獲遺棄車輛四萬五千馬數千匹傷虜老弱二萬四千餘上聞大悅使使獎諭所以逆勞納哈出白玉黃金帶金若幣及其部曲冠帶鈔幣甚多械鄭國公茂京師而賜勝勅勞之勝軍中卒有盜胡馬者殺其首懸隊官之頸以行然亦自掠虜良馬使閭行酒納哈出要求大珠異寶胡中王子死強娶其女上聞復降勅切責之鄭國公茂至具言勝諸不法事上大怒收其總兵印召石匱書

卷六十一 馮勝列傳

七 鳳鳴堂

之還使永昌侯代之勝送納哈出及所部官屬將校馬駝輜重至上封納哈出為海西侯其官屬皆與食祿散處之黔滇閩廣中而升乃剌吾為千戶安置茂龍州勝罷就第奉朝請而諸將士賞亦不行越二年使領諸胡兵從穎國公征雲南胡兵中道叛自是勝雖有任使屯守練士而已其明年賜公侯還鄉予緡銀造第費金帛追封其三代又明年肅清逆黨榜列勲臣五千七人功高望重常總兵者八人勝居第

三又二年加太子少師勝子諒與家奴同謀殺人囑縣官勿舉事覺上諭勝家奴如律特免諒死已使鎮西鄙其僮僕不得從客衣食勝家勝居恒僮僕倚勝橫攔稅輜重乘載勝獲稻打場瘞頤場下碾碌磳其上取其有鞭轆聲出入騎善馬邑有樊父名為瘳國用妻家也勝一日為酒召樊父歲陳其金銀器盤與樊父戲而令瘳之樊父既得難勝曰必千金乃還勝怒走訟太祖勝訟樊父樊父訟勝具言其居石匱書

卷六十二 傅友德列傳

八 鳳鳴堂

家所為若曰場下瘞兵器太祖予勝酒曰我不問勝歸遂死諸子皆不得封而獨國用子誠功雲南累官中軍都督府左都督勝死在洪武二十八年春去傅友德死之兩月而開邊之猛將盡矣傅友德其先宿人後徙碭初從青衣李喜之喜之敗歸明王珍王珍不能用歸漢為別將上怒亡無所展高帝攻漢江州友德以其下詣高帝小孤鄱陽之戰友德身被敵創以數百人從征武昌奪高冠山先

登鉞出腦及腸從徐達取夷陵降漢將以德進克衡
走漢將祖勝從常遇春下襄陽攻安陸被九創吳元
年守徐州元將李貳來寇駐兵陵子村友德堅壁俟
貳出掠舟擊之呂梁之岸手刺貳將乙貳敗去友德
曰必再來趨還城開門陳兵令士皆卧鎗待曰貳即
起貳果益兵至友德鳴鼓起士生致貳俘建康

高帝悅鼓吹送還第翌日命中書參政李飲冰楊希
聖携音聲使人一部就第飲冰等醉而裸與使人

石匱書

卷

傳友德列傳

九 鳳嬉堂

戲高帝怒皆黜之不責友德也遂拜江淮行省參
知政事其冬從大將軍達北征中原高帝以興右
丞顯並稱勇畧冠軍友德從大將軍下青州與元將
也連遇倂敗走也連追之大將軍因得進斬也連軍
洪武元年大將軍克河南友德取福昌山凌青仙人
神頂三寨遂與大將軍入燕取東渡河與薛顯取衛
輝與顧時克臨清德及通進入燕與薛顯偵邏古北
諸口拾元遺卒克龍華寨守蘆溝畧大同獲故元喬

右丞等三十四人遂與常遇春下保定中山狗真定
從大將軍薛顯轉攻山西畧平定州擣太原以死士
五十騎擊却擄廓帖木兒夜劫之追至土門關復與
薛顯賊元將宗哲于石州擊走四大王與常遇春逐
竹貞兵於大同敗元將脫列伯帖宣德府從取陝西
攻張思道於鹿臺下鞏臨洮張良臣降復叛友德自
臨洮會大將軍絕其東道還與大將軍克之復會大
將軍於薛顯追敗王保于原州六盤山還從大將

石匱書

卷

傳友德列傳

十 鳳嬉堂

軍破保定西乘勝自秦川南出一百八渡奪畧陽
擒夏將琳入汧還軍西安夏將友仁克漢中友德夜
解木槽關登山焚燹驚遁友仁軍復與大將軍偵探
及西北還討潁川侯洪武三年也其冬拜征虜前將
軍副征西將軍和入蜀伐夏友德率河南陝西步騎
自秦隴以趨成都則馳入陝揚言出金牛而引兵趨
陳倉克階及文諭降青州果陽戰造艦百餘渡漢戰
破夏將大亨漢城下擊其援將壽挺其城進擊古城

大敗降夏將思忠進圍成都身中矢夏人皆降狗崇
廢斬夏知州善清轉克保寧執夏將友仁悉平蜀得
夏人金印冠冕儀仗銀印五十八銅印六百四十路
府七元帥府八宣慰宣撫司二十五州三十七縣六
十七官吏將士五萬九百九十八人馬騾萬三千八百
餘匹天子曰平蜀功傳一廖次旌之文予之金征西
將軍不與賞焉五年副征西將軍馮勝北征沙漠以
驍騎五千出金蘭趨西涼破元失刺突兵敗元朶兒
石匱書 卷六十一 傅友德列傳 十一 鳳嬉堂
只巴於永昌與征西將軍及左副將軍德振甘及蕭
手射死元手韋不花追斬其黨四百餘人降太尉鎖
納兒加等及守將卜顏帖木兒追破元岐王於瓜沙
洲是時師出三道友德獨全勝六年大軍出雁門友
德為前鋒虜聞友德名絕塞遁留鎮北平九年命副
中山侯和備伯顏木兒於延安以伏兵大破伯顏帖
木兒縛之以降命巡行川蜀永寧雅播諸州備治城
郭開梁降下金筑普定中坪乾溪諸酋長還獻馬五

百上別賜選騎十五十四年為征虜副將軍與大
將軍達討故元平章乃兒不花出塞大破虜北黃河
選輕騎夜襲灰山獲其部落人畜甚眾其秋拜征南
將軍與藍玉沐英統兵二十四萬有奇往征雲南既
受命疾馳至湖廣遣別將郭英陳桓胡海等帥兵五
萬趨烏撒而自與藍玉沐英率大軍趨貴州進攻普
定普安皆下之進取曲靖故元梁王把匝剌瓦爾密
遣其將達里麻將精兵十餘萬拒戰友德用沐英計
石匱書 卷六十一 傅友德列傳 十一 鳳嬉堂
魚道蒙霧潛渡白石江下流出其後而畢濟於上流
之江生擒達里麻曲卻清西乃分遣藍玉沐英趨雲
南自率眾數萬循格弥山而南搗烏撒以興郭英陳
桓胡海會元右丞實卜聞之皆遁去頃復合友德故
止戰以觀士士無不思死友德下令曰我軍深入有
進無退彼遁而合必不一心併力與戰破之必矣聞
者吾故止以觀汝曹汝曹果可用也遂大破實卜軍
拔烏撒城之得七里關以通畢節進克可渡河東川

烏蒙芒部諸蠻皆望風降進至大理宣慰使段明獻書請如唐宋故事降印頒爵願備職貢永為藩服友德怒拷其使曰速來降明再上書曰善聞危如登山大理險倍投海漢武習戰僅置益州元祖親征祇分梁王自古平天下易平雲南難且用兵之道謀和為上全師為奇大國既有其兵小國亦有其備追乎食盡畜死將獨兵離為天下笑將軍悔之晚矣友德怒與沐英斬關入大破之分兵取鶴慶峇麗江破石門

石匱書

卷六十七

傳友德列傳

十三 鳳嬉堂

下金齒車里摩步和泥平緬悉降把四刺尼爾密入山自縊死俘其眷屬及威順王子伯於京師凡三百餘人頃之烏撒諸蠻復叛友德會沐英追擊而使指揮顧成擊破西堡蠻賊斬烏撒蠻首級三萬餘與沐英引兵東攻諸蠻之未附者擄其潛匿悉殺之又降酋長靄翠宋欽悉平其地十六年元普顏萬先不華據鄧州復叛友德自七里關四軍大理平之攻北勝麗江前後斬首萬三千餘級十七年凱還制曰稽古

崇庸開疆者賞重朕臣傳友德從大將軍累戰有功已封侯爵乃者領大軍越崇山西取巴蜀又西取雲南轉戰二年悉平其地特進封穎國公子孫世襲其時他諸將皆封侯食祿有差友德獨用首功加賜三千石再賜米五百石以皇女歸其子忠十八年與宋國公勝備邊北平十九年與長興侯炳文再征雲貴諸蠻二十年以征虜左副將軍從征虜大將軍馮勝征納哈出降之統大軍討韃靼官軍之叛於廣西復

石匱書

卷六十八

傳友德列傳

十四 鳳嬉堂

以征南將軍與沐英陳桓討東川諸蠻擊却叛酋阿資帖普安蠻衆緣壁牧崖墜死者不可勝數已即越州擊敗阿資帖降之還命與諸將駐軍湖廣諸要地休士且以壓服諸西南夷之叛服不常者二十三年援信國公例還鄉賜黃白金鈔幣甚厚給衛兵百二十人尋以征虜前將軍率副將軍趙庸曹興王弼孫格等赴北平練卒從燕王出古北口擒乃兒不花於逆都山還駐開平引兵西征寧夏其明年復使練士陝

西是年還朝冊其女為晉王妃友德請懷遠地為田圃如古買田宅自污上乃不喜曰爾獨不聞公儀休又二年與宗國公屯戍練士於太原北平已召還賜第鳳陽不復出塞捕虜矣二十五年薨太子太師藍玉誅友德以功多內懼遠侯王弼謂友德上春秋高行且旦夕盡我輩我輩當合從連衡太祖聞之會冬宴從者微饌微不盡一蔬太祖責友德不敬且曰台爾二子來友德出衛士有傳太祖語曰石匱書 卷六十七 傳友德列傳 十五 鳳嬉堂 携其首至頃之友德投二子首以入太祖驚曰何遽爾忠人也友德出匕首袖中曰不過欲吾父子頭耳遂自刎太祖怒分徙其家屬於遼東雲南地而王弼亦自盡嘉靖元年巡撫雲南都御史何孟春奏穎國公友德宣德侯朝興汝南侯思祖皆雲南開疆之臣請立祠致祭賜額曰報功友德後在遼東者嘉靖中有都御史鎬在雲南者嘉靖中有給事中良弼石匱書曰郅國不死其岐陽伯仲乎宗國有大將材

積戰功久而其中不能無欲又時見桀鵠焉能免乎穎國暗鳴跳盪與開平王稱二虎將廼取已蜀定滇笮其績茂焉而不以正斃則古大將初立功業得以令終者代有幾人哉

石匱書

卷六十七

十六 鳳嬉堂

石匱書卷第七十二

明 蜀人張 岱著

藍玉胡惟庸列傳

藍玉者定遠人常遇春婦弟也長身頽面數從遇春突圍陷陣所向有功遇春數推於高帝亦用遇春故寵異之從管軍鎮撫積功至都督僉事從西平侯討西番擒其酋纓唎子鹵斬以千計還封永昌侯久之以征南左副將軍同穎川侯討雲南轉戰予之

石匱書

卷六十八

藍玉列傳

一 鳳嬉堂

與西水侯下大理虜其帥段明分兵取鶴慶畧麗江薄金齒車里平緬地方萬里皆入職方王功最壯師增祿五百石冊女為蜀王妃再以征虜右副將軍同宗國公勝征納哈出慶州虜殺其平章桑采擒其子不蘭奚獲人馬還入哈納出營降其衆宗國公勝與常國公茂坐驚潰虜衆召還玉專總兵事是為洪武二十年上曰吾老矣殘胡未滅終為患其年即軍中拜征虜大將軍與延安侯勝宗武定侯英窮入沙

漠其冬獲元將九百餘人以獻上察知虜勢不久

存其明年復詔中國公鎮定遠侯弼南雄侯庸東川

侯海鶴慶侯翼雄武侯武懷遠侯興等往從玉師使

兼道覆其巢穴乃己是春玉謀虜主脫古思帖木兒

在捕魚兒海率勁騎十餘萬自慶州間道趨之遂踰

大磧度黑山師次游魂南道無水泉軍士渴甚過小

山忽聞如礮聲使視之衆四湧士馬滿腹餘流溢決

至百眼井去捕魚兒海尚四十餘里哨不見虜玉欲

石匱書

卷六十八

藍玉列傳

二 鳳嬉堂

引還定遠侯曰吾屬提兵十餘萬深入無所得虜何以復命玉曰是也戒軍中穴地燬令虜不見烟黎明至捕魚兒海南知虜主營在海東北八十餘里玉以弼為前鋒直薄之虜始謂我軍乏水草必不能深入又大風揚沙晝晦軍行皆不知虜主方欲整而北向忽大軍至其太尉蠻子率衆拒戰敗之殺蠻子及其軍帥數十人其衆遂降虜主脫古思帖木兒與其太子天保奴知院捏怯朮丞相失烈門等數十騎遁去

玉率精騎追之出千餘里不及獲其次子地保奴后

妃及故太子妃公主等百十九人擒其詹事院同知

脫目帖木兒於深草間追獲吳王朵兒只等將相官

校三千人男女七萬七千餘口馬四萬七千匹駝四

萬四千八百四頭牛羊十萬二千四百五十四頭車

三千餘輛并得其寶璽圖書金銀印宣勅照會諸叛

聚其鐘仗而焚之遣人上表入奏既班師復破降其

太師哈喇章獲將士萬五千八百人馬駝四萬八千

石匱書

卷六十八

藍玉列傳

三鳳鳴堂

餘匹上覽表顧謂侍臣曰戎狄久禍中國今朔漢

一清無北顧憂矣羣臣咸頓首稱賀遂遣通政使茹

瑯前望江主簿宗麟賫勅往勞曰周秦禦胡上策無

聞漢唐征伐功多衛李宗遣遼金之寇以終其世神

器弄於夷狄腥膻汙平九州朕起平寇與民更始已

有年矣胡虜聚衆復立王庭意圖不靖朕當耆年失

今不除必為後患命爾等率十餘萬衆北征去年爾

親拘哈納出來降今復躬擐甲胄衝冒風露穿地取

飲禁火潛行越黑山而徑趨追蹄踪而深入直抵穹

廬胡主棄璽遠遁諸王駙馬六宮后妃部落人民悉

皆歸附漢衛唐李何以過之使至勅勞悉朕至懷方

擬封王為梁國公有言王在胡中私元主妃者上

怒王無禮元主妃倖至恐懼自盡其子地保奴有怨

言上因資送之琉球王又遣人入朝伺動靜既還

上切責之竟封涼國錫過於券然賞猶在諸將上二

十三年擊破西番蠻人并討平崑州祺道蠻人之攻

石匱書

卷六十八

藍玉列傳

四鳳鳴堂

圍大渡河者俘其男女數千賜白金五十兩復克散

毛洞擒土酋刺燕覃大旺等萬餘人施中南建二宣

撫司降復叛王分兵破其大小諸寨殺獲男女蠻酋

千七百八十餘人悉定之復遣鳳翔侯龍討平散毛

撒狗蠻移兵擒覃大勝於施南及其黨男女八百餘

人召還賜鈔千錠增祿米五百石尋詔還御賜黃白

金鈔幣甚厚工部具舟送二十四年使防邊甘肅至

蘭州墜馬損右臂勅曰昔渡江諸將為朕股肱獨中

山開平出諸將上二王既逝簡庶幾馬使至言爾中
地墜馬右臂微恙特遣往勞爾善調護以稱朕意其
年追冠初者孫遂征西者罕東之地會建昌故降將
月魯帖木兒叛上欲使討之以王在甘肅道遠先
使緯權為總兵都督徐司馬為左副使四川都指揮
使瞿能為右副使往征俟王至則權與司馬皆為副
王至罕東欲縱兵深入將佐多言西虜負固已久卒
聞大軍深入必鳥獸散莫若遣將招諭宣上威德

石匱書

卷六十八

藍玉列傳

五 鳳鳴堂

令彼以馬來獻回撫其部落全師而歸揚威示恩在
此舉矣王不從遣都督嚴等率兵徇阿真川土酋哈
答等皆遁去又嚴初者孫弗及既得討月魯帖木兒
之命又欲深入番地取道松疊以達建昌會霖雨積
旬河水泛急王悉驅將士渡河麾下知非上意相
率道亡王乃不得已繇隴右抵建昌而瞿能等將至
相興州月魯帖木兒使人詐降能信之歛兵以待則
月魯帖木兒已遁去已追至雙狼托落等寨連戰五

六、大破其衆竟不得月魯帖木兒王至乃遣百戶毛
海討誘之并致其子畔伯遂降其衆送京師伏誅王
目奏四川控扼西番蠻夷梗化繇其山險地曠倘禦
寡疎宜增置屯衛軍士籍民為軍守之又請移兵討
長河西朵甘百夷上報設諸衛毋籍兵兵困邊民
兵久在外毋重勞之朵甘百夷之行非四十萬衆不
可爾其還師蓋上自用兵以來無不慎重又徐常之將
也唯上所命之未有請移師他攻者王征西番罕

石匱書

卷六十八

藍玉列傳

六 鳳鳴堂

東已非上意更無所得虜復請移兵攻朵甘宜
上之難之也王不學狠愎在軍中擅升拔將校黔刺
軍士家畜莊奴假子數百人出入乘勢漁獵常占東
昌民田民訟之御史御史按問王捶逐之其先征北
還時駝馬金珠無算夜度喜峰關吏不即納王毀
關入上聞不悅及切責其私元妃事涉不省侍坐
侍宴動止輕傲至是還以為太傅王據袂後言曰吾
故當為太師王時奏事上不之從退曰上疑我矣

將收集其舊部將及士卒家奴伏甲為變為錦衣指揮蔣瓖所告鶴慶侯翼晉定侯桓景川侯震射艦侯壽會寧侯溫潘陽侯察罕東莞伯榮都輅吏部尚書徵侍即友文凡諸功臣文武大吏以至偏裨將卒坐黨誅誅者可二萬人知名之士若南海孫黃長洲王行皆在誅中

石匱書

卷六

明惟庸列傳

一 鳳嬉堂

善長黃金二百兩遂得召入為太常少卿累遷中書參政高帝既誅楊憲悔之羣臣亡當意者惟庸舉止便辟隨帝所問能強託專對少所遺帝遂大愛幸之擢中書右丞相惟庸小人驟得志大內貨賂酬報睚眦諸微侯失職亡命多依惟庸左右而誠意伯劉基在上前論相短惟庸恨之入骨會基引疾還青田民私即海煮鹽因取便劫掠基條請就其地立巡檢司控制之奏上不聞中書惟庸大恚怒

諧於帝言基視民家山有天子氣奪之不得乃為此耳欲以聳動帝而陰中其笑帝不懌基皇恐

馳謝自明留關下久之屬疾帝遣丞相扶醫視遂

進毒逾歲基不起右丞相汪廣洋儒從旁得其狀不

能發而惟庸益橫甚無復知所忌會其家人為奸利

事道聞榜辱閹吏奏之帝大怒殺家人切責丞

相惟庸謝不知乃已又以中書違慢數詰問所繇惟

庸懼乃計曰主人魚肉勲舊臣何有哉耶先等耳寧

石匱書

卷七

明惟庸列傳

八 鳳嬉堂

先發母為人求死寐高帝究故誠意伯死狀惟

庸懼且見發而日本來貢使私見惟庸乃為約其王

令舟載精兵千人偽為貢者及期會府中力掩執

帝度可取之不可則掠庫物泛舸就日本有成約

惟庸因詭言第中井出醴泉邀帝臨幸帝許之

駕出西華門內史雲奇走告變帝乃登城望其第

藏兵復辟間刀架林立即發羽林掩捕考掠具狀磔

於市夷三族而盡誅其僚屬黨與者凡萬五千人誣

因株蔓甚衆令圖惟庸死時狀戒天下因勅子孫朝不許設立丞相著為令

石匱書曰藍玉之跋扈錮其過於鐵券在封爵時已知其缺非少主臣矣乃若胡惟庸者劉文成早言之徐中山再言之而英明如太祖訖不之悟非雲奇衝蹕雖辟人相人亦不遑計及之矣唐德宗曰人言盧杞奸邪朕殊不覺李鄴侯對曰人言杞奸邪而陛下獨不覺此杞所以為奸邪也倘陛下覺之豈有

石匱書

卷

卷八

胡惟庸列傳

九

鳳嬉堂

建中之乳我

又曰藍胡之逆誅之可即族之亦無不可獨以其株連蔓引累及三萬五千餘人而榜列勳臣至五十七人功高望重嘗絕兵者八人言之不可駭可愕哉太祖生平稍有疑忌輒以其黨之後且漸滅殆盡亦所謂功臣多封之不足故殺之也厥後狗彘多蹶而靖難兵起卒無一人為攔門之犬嗟乎使燕王出自外難則奈之何哉

石匱書卷第七十二

明蜀人張岱著

遜國諸臣列傳

志曰變古亂常不死則亡誠哉是言也建文君即神聖無過高皇帝其臣雖賢無過宋濂劉基陶安諸長者高皇帝立法貽謀垂之萬世夙興夜寐恒如不及使諸臣博稽典故而斷之獨思凡治世立教之道蓋大備而鑒之前古為子孫者遵行其所立維持其所

石匱書

卷七十三

遜國諸臣列傳

鳳嬉堂

廢雖有辟王可賴而哲建文君惘然皇祖之典型馳驚三代同官之治固已遠矣且所以變政易令者徒區區名歸位分之間未嘗深求古先聖王精意之所存君子之道施絲親始周八大封諸姬宗盟後異姓建文君陰思廣大寬通之理將使天下無一物不得其所也而即位半載周齊湘代岷死徙囚迫豈不曰晉王廢周王遷潭王殺高帝為之矣父可得諸其子者兄之子亦可得諸其叔父乎主人之居室也